




# HE KÖRERO TÄTAI

## Tā to Māori tuku

### He kupu whakataki

Ko te huinga pukapuka *He Kōrero Tātai*, he kohinga kōrero e whakatairanga ana i ētahi āhuatanga nō neherā hei ako mā te tamariki te hītori. Katoa ngā kōrero e hāngai ana ki Te Takanga o Te Wā, te marautanga ako hītori hou. E hāngai ana ngā pukapuka *He Kōrero Tātai* ki ngā ākonga kei ngā tau 1–8. Ko te arotahinga o tēnei putanga ko te Whakapapa – tētahi o ngā tirohanga nō roto ake o Te Takanga o Te Wā.

**He Mihi** Tēnā rā koutou e tahuri mai nei ki te whakaako i ngā kōrero nehe e matahīapohia nei e tātou. E tika ana kia mihia tēnei kaupapa nui whakaharaha, e ako ai ā tātou ākonga mō te ao e noho nei rātou, e ako hoki rātou i ngā mahi rangatira a ū rātou mātua tūpuna. Tēnei hoki te mihi nā Te Tāhuhu o te Mātauranga me Tātai Aho Rau CORE Education ki ngā tāngata katoa nā rātou tēnei rauemi i hāpai. Ki ngā ringa whakairo i te kupu o ngā tuhinga ka noho hei tūāpapa mō tēnei aratohu, tēnā koutou katoa.



### Te tuku rangatira, he tikanga tuku iho

Nā Wawaro Te Whaiti

I te tau 1896 ka tukuna a Wairarapa Moana e Ngāti Kahungunu ki Wairarapa ki te Karauna hei 'tuku rangatira'. Engari i pōhēhe ngā uri Māori o Wairarapa i hokona kētia te moana e ū rātou tūpuna. I whakanekehia te iwi ki Te Rohe Pōtae. Nā reira i raru ai ngā hononga ki a rātou anō, ki ū rātou whenua me ā rātou tikanga. Ka tūhura tēnei tuhinga i ngā pānga o ēnei āhuatanga ki te iwi o Ngāti Kahungunu ki Wairarapa nō muri i te 'tuku rangatira', ā mohoa noa nei.

### Mā te pouako – Te Takanga o Te Wā

Ka kitea i tēnei rauemi he kupu pakirehua, he ngohe hoki kia whai māramatanga ai koe ki tēna tuhinga, ki tēna tuhinga. He tīwhiri hoki kei ngā ngohe mō te arotake, e hāngai ana ki ngā whāinga e whā o Te Takanga o Te Wā i raro iho nei.

- Kei te mōhio ahau nō hea ahau, nō wai hoki ahau.
- Kei te mōhio ahau ki ngā kōrero tuku iho o te takiwā e noho nei au.
- Kei te mōhio ahau ki ā mātou hononga ki takiwā kē.
- Kei te mōhio ahau ki ngā kōrero tuku iho o Aotearoa.

Ka kitea hoki i te pukapuka he hononga ki ngā tirohanga kei Te Takanga o Te Wā. Ka tautuhia e ia tuhinga ko tēwhea aronga, tirohanga hoki e hāngai ana ki ngā tuhinga, engari ehara i te mea ka aukatingia ērā atu aronga, tirohanga rānei. Ko tā mātou he akiaki i a koutou kia whai huarahi hei whakawhānui, whakauauaha, whakahāngai hoki i ū koutou ake marau ā-kura ki ngā kōrero o tō rohe hei whakanikoni ko i te aro i ā tātou kōrero nehe huhua.


Kei raro nei tētahi tūtohi o ngā whāinga o Tikanga ā-Iwi e taunaki ana i ngā ihirangi o Te Takanga o Te Wā.



### Pounamu: Te kopa iti o Raureka

He uiui i a Catherine Messenger-Weepu nā Te Mako Orzeck

Ka uia a Catherine Messenger-Weepu, nō Kāti Waewae, mō ngā tikanga e pā ana ki te pounamu, ka mutu ka whakamāramahia ngā āhuatanga o ngā momo. Ka kōrero hoki ia mō tētahi hei tiki o tōna whānau, e kīa nei ko Tūmatauenga.



### He taonga häereere

Nā Ihaka Tūnui

He kōrero whakaari tēnei mō ngā whakaneketanga o tētahi taonga ki tā te tirohanga a te taonga. Mai i tōna ngaromanga ki tōna kitenga tae noa mai ki ngā tirohanga a te tangata mōna. Mai i tōna putunga, ki tōna whakahokinga ki tōna ūkaipō.

He kiko matihiko tāpiri mō tēnei tuhinga kei te whakaputanga Ngā Ata Kūkara hei whakawhānui i te ako a ngā ākonga.

# Te reo Matatini Kua arotakengia ia tuhinga ki ngā taumata 2 ki te 4 o Te Reo Matatini.

## Taumata Rua

**Āheinga Reo** Ka tutuki te whānuitanga o ngā āheinga reo i roto i te wairua ngahau me te hiahia ki te whakawhitihīwhītī whakaaro.

### ā-Waha:

1. Ka whakawhitihīwhītī kōrero, ka whakaraupapa kōrero hei whakatutuki kaupapa.
2. Ka mārama ia ki ngā reo ā-puta e pā ana ki ētahi kaupapa motuhake.

**Puna Reo** Ka tipu haere tonu te puna kupu me ūna āhuatanga katoa.

### ā-Waha:

3. Ka māia, ka tika anō tana whakamahi i ētahi kupu honohono, kupu mahi, kupu āhua, rerenga kōrero hoki e kawe ana i ngā kare ā-roto.

**Rautaki Reo** Ka whakamahi rautaki reo, ā, ka taea te whakamārama ngā huarahi kua whāia hei whakatutuki i tāna i whakaputa ai, i rongo ai.

### ā-Waha:

4. Ka kōrero kia whānui ake, kia mārama ake, kia hōhonu ake ngā whakaaro.

## Taumata Toru

**Āheinga Reo** Ka tutuki te whānuitanga o ngā āheinga reo i roto i te wairua ngahau me te hiahia ki te whakawhitihīwhītī whakaaro.

### ā-Waha:

1. Ka mārama ki ētahi kōrero āhua roa tonu.
2. Ka whakapuaki kōrero hei whakaputa māramatanga, tautohetohe rānei kia puta ai te reo whakakapi, te reo patapatai me te reo whakatau.

### ā-Tā:

1. Ka tautohu, ka tā i ngā tino āhuatanga o ngā momo reo tuhi, reo tā maha.

**Puna Reo** Ka tipu haere tonu te puna kupu me ūna āhuatanga katoa.

### ā-Waha:

3. Ka whakanikniko i āna kōrero, tuhinga rānei ki ngā kupu taurite, kupu āhua nā te whanui haere o tana puna kupu.

### ā-Tā:

3. Ka tika te tātaki kupu hou ahakoa te horopaki.
4. Ka mārama ki ētahi kupu ake o tētahi kaupapa motuhake.

**Rautaki Reo** Ka whakamahi rautaki reo, ā, ka taea te whakamārama ngā huarahi kua whāia hei whakatutuki i tāna i whakaputa ai, i rongo ai.

### ā-Waha:

4. Ka mārama ki te anga o ngā momo kōrero Māori ake nei.

### ā-Tā:

6. Ka whakamahi rautaki whānui ki te āta whakapūmau i te māramatanga o ngā tuhinga me ngā reo.
7. Ka whakamahi i ētahi rautaki rangahau.
8. Ka whakamahi mahere hei whakatakoto, hei whakaraupapa i ngā whakaaro.

# Te reo Matatini Kua arotakengia ia tuhinga ki ngā taumata 2 ki te 4 o Te Reo Matatini.

## Taumata Whā

**Āheinga Reo** Ka tutuki te whānuitanga o ngā āheinga reo i roto i te wairua ngahau me te hiahia ki te whakawhitihiti whakaaro.

### ā-Waha:

1. Ka whakatairite, ka tohutohu, ahakoa te horopaki, i ētahi kaupapa ūpaki, ūkawa rānei.
2. Ka whakapuaki patapatai hāngai tonu, kōrero whakamārama, tautohetohe rānei kia puta ai te reo hīkaro, te reo whakamana hoki.

### ā-Tā:

1. Ka mārama ki ngā rerekētanga o tā te kaipānui titiro i tā te kaituhi, kaitā rānei.
2. Ka tīpako i ngā āhuatanga o ngā momo reo tuhi hei whakaniko i ngā tuhinga pono me ngā tuhinga auaha.
3. Ka whai whakaaro ake ki te pūtake o te tuhituhi me te kaipānui.

**Puna Reo** Ka tipu haere tonu te puna kupu me ūna āhuatanga katoa.

### ā-Waha:

3. Ka mārama, ka whakamahi i ngā kīanga whakaahua, kīanga whakarite hei whakaniko i te kaupapa.

### ā-Tā:

4. Ka tika te tātaki kupu hou me te whai i ngā ture o te reo.

**Rautaki Reo** Ka whakamahi rautaki reo, ā, ka taea te whakamārama ngā huarahi kua whāia hei whakatutuki i tāna i whakaputa ai, i rongo ai.

### ā-Waha:

4. Ka whakarongo kia mōhio ai ia me pēhea te arotake, te whakawā, te wetewete i ngā hīkarotanga.
5. Ka matatau te rere me te whakahāngai i te reo whakawhitihiti, te reo whakanene me ngā kōrero tinihanga.
6. Ka whakamārama i te hononga o ngā momo kōrero Māori ake nei, kōrero kē atu hoki i roto i tētahi kaupapa ūkawa.

### ā-Tā:

5. Ka whakamahi i ētahi rautaki rangahau mō te huhua o ngā take.
6. Ka tukatuka, ka whakahāngai i ngā mōhiohio.
7. Ka whakarōpū i ngā whakaaro e ūrite ana, e hāngai ana ki roto i tētahi mahere tuhituhi, kia kitea ai te noho raupapa mai o te tuhinga.
8. Ka rāwekeweke i ngā āhuatanga reo me te hanganga o te tuhinga kia rangona ai tōna ake reo.

## He rautaki hei taunaki i te ako

He rautaki pai tēnei hei whakahihiko i te ngākau i ngā ākonga e pānui ana, e mahi ana.

Whakaritea he tūtohi me ngā kupu hauraro ‘Tāku e mōhio nei’; ‘Tāku e hiahia ana ki te ako’; ‘Tāku i ako ai’


I mua i te pānui me te whakamahi i ngā ngohe ka kōrero tahi te kaiako me ngā ākonga mō te mōhio o ngā ākonga ki te kaupapa o tētahi o ngā tuhinga. He pai tēnei hei tīmatanga kōrero mō te kaupapa. Whakaraupapahia ngā kōrero ki raro i ‘Tāku e mōhio nei’.

Kātahi ka matapaki i tā rātou e hiahia ai ki te ako mō te kaupapa. Whakaraupapahia ngā kōrero nei ki raro i ‘Tāku e hiahia ana ki te ako’.

I a rātou e pānui ana, i muri hoki, whakaraupapahia ngā akoranga hou ki a rātou ki raro i ‘Tāku i ako ai’.

# Te tuku rangatira, he tikanga tuku iho

Nā Wawaro Te Whaiti  
Ngāti Kahungunu ki Wairarapa, Ngāi Tahu



## Te Marautanga o Aotearoa (TMoA)

### Tikanga ā-Iwi

Whenu: **Te Wāhi me te Taiao**

- 3.1 Ka whakaahua i ngā huarahi i pāhekoheko ai, i urutau ai te tangata ki te taiao i ngā wā o mua.
- 3.2 Ka whakamārama i ngā take me ngā huarahi e whakaatu ai te tangata i tōna hononga ki tētahi tino wāhi, ki tētahi tino taiao.

Whenu: **Te Takanga o Te Wā**

**Whāinga 2:** Kei te mōhio au ki ngā kōrero tuku iho o te takiwā e noho nei au.

### Aronga: Tōku Tū i Te Ao

- Kua rerekē ētahi kōrero tuku iho i te rohe, hapori rānei, tērā anō ētahi kōrero tuku iho kua mau tonu.

### Aronga: Ngā Pou Herenga

- He momo kōrero tuku iho te pepeha
- He hononga kei waenga i ngā maunga, ngā awa, ngā waka, ngā whānau, ngā hapū me ngā iwi i te rohe.

## Whakarāpopototanga

I te tau 1896 ka tukuna a Wairarapa Moana e Ngāti Kahungunu ki Wairarapa ki te Karauna hei 'tuku rangatira'. Engari i pōhēhe ngā uri Māori o Wairarapa i hokona kētia te moana e ū rātou tūpuna. I whakanekehia te iwi ki Te Rohe Pōtae. Nā reira i raru ai ngā hononga ki a rātou anō, ki ū rātou whenua me ū rātou tikanga. Ka tūhura tēnei tuhinga i ngā pānga o ēnei āhuatanga ki te iwi o Ngāti Kahungunu ki Wairarapa nō muri i te 'tuku rangatira', ā mohoa noa nei.

### I mua i te pānui pukapuka

Whakamārama atu ki ngā ākonga ngā āhuatanga o te tuhinga tūhono. Whakamāramahia ētahi āhuatanga o tēnei momo reo tuhi, ā, ka tukuna ētahi tauira o ēnei āhuatanga. Anei ētahi tauira: te reo tohu wāmua, te reo raupapa, te reo taurorū, te reo tūhono i te take me te pānga, te reo tapa, whakaheke kāwai, te reo huahuatau.

He kaupapa taukumekume: He aha te rerekētanga o te 'tuku rangatira', te 'tuku', me te 'hoko'.

Tautohua ngā rā whakahirahira ki ētahi pitopito kōrero mō ngā āhuatanga o aua rā.

## I ngā ākonga e pānui ana

I rerekē pēhea nei ū rātou kare ā-roto i tō rātou mōhio i whānakohia ū rātou whenua, kāore kē i hokona?

Ki ū whakaaro he aha te take he rerekētanga nui tēnei?

### Rauemi

Top Teaching Tasks: [Te Tiriti o Waitangi](#)

Lake Stories Aotearoa New Zealand: [Tuku Rangatira](#)

He tauira o ētahi [rārangī wā](#)

[Te whakarite ki te tauatanga ki ngā whenua Māori](#)

[TEDX: Pania Newton](#)

### Kuputaka

**awakeri** - channel

**hinganga** - demise

**kapatau** - express intent

**karapotia** - to be surrounded

**manene** - immigrant

**mārire** - bountiful (resource)

**moehewatia** - dreamt of

**ngata** - satisfied

**pāhekohekotanga** - interactions, relations

**rarapa** - to glance

**tauhokohoko** - trade

**taurite** - same, alike

# Te tuku rangatira, he tikanga tuku iho

## Whāinga 2 : Kei te mōhio au ki ngā kōrero i tuku iho o te takiwā e noho nei au

	He pātai whai whakaaro	Hei tukanga	Hei mahi	Hei whakakitenga	Hei arotake
<b>Ngohe 1</b>	<p>He aha ngā rā hirahira i tēnei kōrero?</p> <p>Matapakihia ō ngā ākonga mōhiotanga mō te hiranga o ēnei rā.</p>	<p>Waihangatia he rārangī wā o ngā rā hirahira me ngā kōrero whaitake.</p>	<p>Tūhuratia ngā kōrero whaitake katoa. He aha ūna pāngā?</p> <p>Matapakihia: I whai pāngā ngā takunetanga ki tō mātou rohe?</p>	<p>Kei a koe te tikanga mō te āhua o tēnei rārangī wā. Tēnā pea he raupapa pikitia, tuhinga wā rānei, he kōrero pono, he toi rānei.</p>	<p>Kua roa ō tātou tūpuna e whawhai ana, e kōkiri ana mō ngā taonga i riro atu ai te take. Me pēhea au e tautoko ai i tēnei kaupapa ināianei?</p>
<b>Ngohe 2</b>	<p>Ki tā te Tiriti o Waitangi ka mau tonu a ngāi Māori i tō rātou tino rangatiratanga. He aha ō te Māori kawatau ki tēnei? Kāore i pērātia. I ahatia te tino rangatiratanga i raro i te Tiriti?</p> <p>Kei te rangona whānuitia te kupu rangatiratanga i enei rā. He aha tōna hiranga?</p>	<p>Tīmatahia he kōrero mō te tikanga o te kupu 'rangatiratanga' me ngā pāngā kino i tōna takahanga.</p> <p>Tūhuratia te huatau 'Tuku Rangatira'.</p>	<p>Whakaritea he tūtohi arotake hei whakaraupapa i ngā rerekētanga i waenganui i Te Tiriti o Waitangi me te Treaty of Waitangi.</p>	<p>Ka whakaaro ngā ākonga ka pēhea tā rātou whakaatu i te tūtohi arotake ki te whakaminenga.</p>	<p>Ka whakapuaki ngā ākonga i ō rātou whakaaro ki a rātou anō.</p>
<b>Ngohe 3</b>	<p>He aha ngā pāngā o tēnei take ki te iwi o Ngāti Kahungunu ki Wairarapa i mua rā, ā mohoa noa nei?</p> <p>Matapakihia.</p>	<p>He aha tētahi take o te wā e pāngia ana tō hapori?</p> <p>Ohia manomanotia ngā take o te wā me ngā pāngā ki te tangata i ia rā, ia wiki, ā te wā heke anō hoki.</p>	<p>Kia aumangea tō hanga manawaroa!</p> <p>Ohia manomanotia ngā matea o tō hapori hei hāpai i a rātou e taumaha ana.</p> <p>Tuhia he aratohu, taunaki hoki hei whakamāmā i ngā taumahatanga o nāianei, otirā mō ngā uri whakaheke.</p>	<p>Tuhia he tono ki te kura/kaunihera ā-rohe/kāwanatanga mō ngā rautaki e hiahia ana koe kia whakatinanatia e rātou hei whakamāmā i ngā taumahatanga e kawea ana e te whānau/hapori ināianei mō te wā heke anō hoki.</p>	<p>He aha ngā āhuatanga hautupua o ūku tūpuna? Me pēhea au e pērā ki a rātou?</p>

# Pounamu: Te kopa iti o Raureka

Nā Catherine Messenger-Weepu  
nō Kāti Waewae

## Te Marautanga o Aotearoa (TMoA)

### Tikanga ā-Iwi

Whenu: **Te Wāhi me te Taiao**

- Ka whakaahua i ngā huarahi i pāhekoheko ai, i urutau ai te tangata ki te taiao i ngā wā o mua.
- Ka whakamārama i ngā take me ngā huarahi e whakaatu ai te tangata i tona hononga ki tētahi tino wāhi, ki tētahi wāhi, ki tētahi tino taiao

Whenu: **Te Takanga o Te Wā**

**Whāinga 2:** Kei te mōhio au ki ngā kōrero o tuku iho o te takiwā e noho nei au.

### Aronga: Tōku Tu i Te Ao

- Kua rerekē ētahi kōrero tuku iho i te rohe, hapori rānei, tērā anō ētahi kōrero tuku iho kua mau tonu.

### Aronga: Ngā Pou Herenga

- He momo kōrero tuku iho te pepeha
- He hononga kei waenga i ngā maunga, ngā awa, ngā waka, ngā whānau, ngā hapū me ngā iwi i te rohe.

## Whakarāpopototanga

Ka uia a Catherine Messenger-Weepu, nō Kāti Waewae, mō ngā tikanga e pā ana ki te pounamu, ka mutu ka whakamāramahia ngā āhuatanga o ngā momo. Ka kōrero hoki ia mō tētahi hei tiki o tōna whānau, e kīa nei ko Tūmatauenga.

## I mua i te pānui pukapuka

Whakamāramahia atu ki ngā ākonga ngā āhuatanga o te tuhinga tūhono. Whakamāramahia ētahi āhuatanga o tēnei momo reo tuhi, ā, ka tukuna ētahi tauira o ēnei āhuatanga. Anei ētahi tauira: te reo tohu wāmua, te reo raupapa, te reo tautoru, te reo tūhono i te take me te pānga, te reo tapa, whakaheke kāwai, te reo huahuatau.

Ka pānui kapokapo i te tuhinga. Kei te mōhio rānei koe ko tēwhea mita e whakamahia ana i konei? Nō whea pea tēnei mita, he aha ngā tīwhiri?

Rangahaua ngā tūmomo pounamu e kōrerohia nei i te tuhinga. Mēnā he pounamu tāu ka taea e koe te tautohu he aha te momo?

## I ngā ākonga e pānui ana

I tēnei tuhinga ka kōrero mō te karakia i a rātou e rapu ana i te pounamu. Ka whakaarohipa, ka matapakihia hoki te take e pēnei ana.

Whakatauritea te mita i tēnei tuhinga ki te mita o tō rohe, iwi, hapū rānei.



## Rauemi

Tuhuru Taonga

Kā Huru Manu

## Kuputaka

wairuatoa - unsuccessful, bad luck

whakaroko (dialectal) - listen

# Pounamu: Te kopa iti o Raureka

**Whāinga 2:** Kei te mōhio ahau ki ngā kōrero tuku iho o te takiwā e noho nei au.

**Whāinga 3:** Kei te mōhio ahau ki ā mātou hononga ki takiwā kē.

	He pātai whai whakaaro	Hei tukanga	Hei mahi	Hei whakakitenga	Hei arotake
<b>Ngohe 1</b>	Pānuitia te kōrero mō Poutini. <a href="https://tuhurutaonga.nz/mythology-legends/">https://tuhurutaonga.nz/mythology-legends/</a>	Kei hea Te Tai Poutini?	Whakamahia te mahere whenua tuihono <u>Kā Huru Manu</u> , rauemi tuihono kē atu rānei, ki te tūhura i ngā wāhi o Te Waipounamu e kitea ana he pounamu.	Tuhia he mahere whenua o ngā wāhi e kitea ana he pounamu.	I pēhea ōku tūpuna i whakamahi ai i ō rātou mātauranga o ngā āhuatanga ūkiko o te pounamu kia pai ake ai te whakamahia?
<b>Ngohe 2</b>	He aha ngā momo pounamu i te kōrero a Catherine?  Kei te mōhio rānei koe ki ētahi atu momo?	<b>Pakirehua:</b> Kōwhiria he pounamu hei rangahau. Whakaaro hia ēnei pātai - He aha tāku e mōhio nei mō te pounamu? He aha hei rangahau māku mō te pounamu? Mō muri i te rangahau: He aha tāku i ako ai?	He aha ūna āhuatanga ūkiko? Ko whea ngā wāhi o te pounamu? He aha tōna ingoa pūtaiao? He aha tōna tae? Hei aha tēnei momo? Me pēhea e tiakina ai. He aha ngā tikanga e hāngai ana ki tēnei pounamu?	Whakamahia ngā panahiko Google (tētahi rawa ūrite rānei) mō te pounamu i rangahaua.	I taku ako mō te pounamu i whakamanawatia au kia āta titiro ki tōku ao?  He pēhea tāu i ako ai mō ngā tūmomo pounamu e whakawhanake i tō māramatanga ki ngā āhuatanga tiaki pounamu a tō iwi?
<b>Ngohe 3</b>	He taonga rawa māori kei tō rohe?	<b>Rangahau:</b> He aha tētahi taonga rawa māori kei tō rohe?	He aha ūna āhuatanga ūkiko? Ko whea ngā wāhi o te pounamu? He aha tōna ingoa pūtaiao? He aha tōna tae? Hei aha tēnei momo? Me pēhea e tiakina ai? He aha ngā tikanga e hāngai ana ki tēnei pounamu?	Waihangatia he rauemi hei whakamōhio atu ki ngā whānau, te hapori rānei mō taua rawa māori.	Me pēhea taku tiaki i ngā rawa māori i taku rohe?

# He taonga hāereere

Nā Ihaka Tūnui  
Tūwharetoa ki Kawerau  
Ngāti Pūkeko

He kiko matihiko tāpiri mō tēnei tuhinga kei te whakaputanga Ngā Ata  
Kūkara hei whakawhānui i te ako a ngā ākonga.



## Te Marautanga o Aotearoa (TMoA)

### Tikanga ā-Iwi

Whenu: Te Ao Hurihuri

- 3.1 Ka whakamārama i te whakaawenga o ngā whakaaro me ngā mahi a te tangata i te oranga o ētahi atu i ngā wā o mua.
- 3.2 Ka whakamārama i ngā huarahi e taea e te takitahi me te rōpū te urupare ki te panoni.

Whenu: Te Takanga o Te Wā

**Whāinga 3:** Kei te mōhio ahau ki ā mātou hononga ki takiwā kē.

### Aronga: Tōku Tū i Te Ao

- He hononga kei waenga i ngā kōrero tuku iho o rohe kē.

### Aronga: Ngā Pou Herenga

- He rerekē ngā tūmomo hononga o te tangata ki ngā wāhi me ngā kaupapa me te aha he rerekē ngā tirohangā.
- He whanaungatanga, he hononga kei waenga i ngā whānau, ngā hapū, ngā iwi me ngā hapori.

### Whakarāpopototanga

He kōrero whakaari tēnei mō ngā whakaneketanga o tētahi taonga ki tā te tirohangā a te taonga. Mai i tōna ngaromanga ki tōna kitenga tae noa mai ki ngā tirohangā a te tangata mōna. Mai i tōna putunga, ki tōna whakahokina ki tōna ūkaipō.

### I mua i te pānui pukapuka

Whakamāramahia atu ki ngā ākonga ngā āhuatanga o te tuhinga tūhono. Whakamāramahia ētahi āhuatanga o tēnei momo reo tuhi, ā, ka tukuna ētahi tauira o ēnei āhuatanga. Anei ētahi tauira: te reo tohu wāmua, te reo raupapa, te reo taurorū, te reo tūhono i te take me te pānga, te reo tapa, whakaheke kāwai, te reo huahuatau.

Ka matapakihia e ngā ākonga te tapanga o te pakiwaitara. He aha ō rātou matapae mō te kaupapa o te pakiwaitara?

I ngā rōpū iti ka kōrero ngā ākonga mēnā he taonga ā rātou i te kāinga, i ō rātou whānau rānei. He aha e kīa ai e rātou he taonga? Ka pēhea e tiakina ai.

Ka panui kapokapo ngā ākonga i te tuhinga kia mārama ai rātou he tuhinga tēnei ki tā te tirohangā o te taonga. He aha pea tā te taonga e kōrero, e kite, e rongo hoki rā?

### I ngā ākonga e pānui ana

Tuhia he rārangī mō ngā āhuatanga o te waka huia. Whakarārangihia ngā taipitopito e āhei ana, e whakaahuahia ana tōna hanga. Kia aro ki ngā kitenga tapatahi (ā-hanga nei) kaua ki ngā kōrero taparoto (arā ko ōu ake whakaaro).

Tuhia ngā wāhi i hāereere ai te taonga (waka huia). Tohua ēnei wāhi ki tētahi mahere whenua, ā, ka tīpakohia ngā tākunetanga nui e kōrerohia ana e te taonga mō ia wāhi.

Hei tuaira:

Tapanga:				
Pikitia				
Tuhinga				

## Rauemi

Having taonga returned

Taonga returned after 250 years

Te Rarawa taonga returned

## Kuputaka

**mahuta** - to rise

**ngaehe** - rustle, murmur

**pakiaka** - roots

**pourangi** - elevated platform

**taurewa** - on loan

# He taonga hāereere

## Whāinga 3: Kei te mōhio ahau ki ā mātou hononga ki takiwā kē

	<b>He pātai whai whakaaro</b>	<b>Hei tukanga</b>	<b>Hei mahi</b>	<b>Hei whakakitenga</b>	<b>Hei arotake</b>
<b>Ngohe 1</b>	He aha ia te waka huia? Hei aha te waka huia?	Tirohia ngā wāhangā o te waka huia.	Waihangatia he waka huia ki ngā rawa e hiahia ana e koe.	Takohatia tō waka huia.	Whakaaro hia te tuku koha hei whakapakari i ngā taura here tangata.
<b>Ngohe 2</b>	He taonga hirahira ā tō whānau? Kei te whare taonga ēnei? Ko wai ngā kaitiaki?	He whare tiaki taonga kei tō rohe?	Rangahaua ngā kōrero mō tētahi taonga i tō rohe, whānau, whare taonga rānei. Uiuia tētahi mātanga taonga.	Waihangatia he pakipūmeka poto mō te taonga.	He aha ngā pūkenga me mōhio e tētahi kaitiaki taonga?
<b>Ngohe 3</b>	Me pēhea koe e whakahoki mai ai i te mana pupuri o ngā taonga?	<b>Tūhuratia:</b> He aha te tukanga kia tīkina atu tētahi taonga ā-whānau i tētahi whare taonga i Aotearoa? <a href="https://mch.govt.nz/nz-identity-heritage/protected-objects/taongatuturu">https://mch.govt.nz/nz-identity-heritage/protected-objects/taongatuturu</a>	Ka pēhea te ākonga e whakaatu ai i ngā taonga? Waihangatia he wāhi motuhake e whaiwhakaaro ana ki ngā āhuatanga katoa o te kaitiakitanga.	<b>Aromātai:</b> He tika rānei tēnei wāhi mō te taonga? Mēnā ka maha ake ngā taonga me panoni ngā āhuatanga o te wāhi?	Me pēhea au e whakatūturu i te tuku ihotanga o ngā kōrero mō te taonga ki ngā uri whakatupu?